

# АДОЛАТ

IJTIMOIY-SIYOSIY GAZETA

info@adolatgzt.uz • www.adolatgzt.uz • www.adolat.uz • № 18 (1082) • 2016-yil, 29-aprel, juma

## ИЗЧИЛ, ПРОГРЕССИВ ТАШҚИ СИЁСАТ — МИЛЛИЙ МАНФААТЛАРИМИЗГА МОСДИР

### МУНОСАБАТ

Маълумки, мамлакатимизда олиб борилаётган изчил ислохотлар ва уларнинг самаралари замирида юртимизда, умуман, минтақада ҳукм сураётган тинчлик ва осойишталик ётади. Ана шу хавфсизлик ва барқарорликни таъминлаш борасида давлатимиз раҳбари ташаббуси билан олиб борилаётган савий-ҳаракатлар туфайли бугунги юксак натижалар қўлга киритилмоқда. Мамлакатимизнинг бу борадаги натижалари давлатимиз раҳбарининг 25-26 апрель кунлари Россия Федерацияси Президенти билан бўлиб ўтган музокараларида ҳам яна бир бор эътироф этилди.

Дарҳақиқат, ташриф давомида бўлиб ўтган очик, самимий мулоқот чоғида икки давлат раҳбарлари сиёсий, савдо-иқтисодий, инвестициявий, ҳарбий-техникавий, маданий-гуманитар ва бошқа соҳалар қатори нафақат кўшни давлатлар, балки бутун минтақа учун хавф туендириши мумкин бўлган Афғонистон муаммосига ҳам алоҳида тўхталиб ўтдилар. Иккала давлат етакчилари Афғонистонда БМТ шафёлигида фаолият олиб борувчи кенг аксилтерор коалициясини тузиш, эҳтимолдан холи бўлмаган ҳалокатларнинг олдини ўз вақтида олиш лозимлигини қайд этдилар. Ўзбекистон раҳбари афғон муаммосини Россиянинг иштирокисиз ҳал қилиб бўлмаглигини, шу боис му-


зокаралар жараёнига Россия Федерацияси вакиллари ҳам, албатта, таклиф қилиниши лозимлигини таъкидлади.

Шуни алоҳида қайд этиш лозимки, Ўзбекистон афғон муаммосига нисбатан доимо ўзининг принципиал ёндашувини билдириб, ушбу муаммонинг ҳарбий ечими йўқлигини таъкидлаб келган. Мамлакатимизнинг ушбу катъий позициясини давлатлар раҳбарлари орасида биринчи бўлиб Ўзбекистон Президенти Ислам Каримов 2008 йил август ойида Бухарестда бўлиб ўтган НАТО Саммитида тилга олган эди. Бугунги кунда ушбу позициянинг ниҳоятда тўғрилигини бошқа хорижий давлатлар ҳам эътироф этмоқдалар.

2



## 25 ЙИЛ: МУСТАҚИЛЛИК ВА ТАРАҚҚИЁТ ЙЎЛИ



## ВАТАН ИЧРА ГЎЗАЛ БИР ЧАМАН

Наманган водийнинг тарихий, обод шаҳарларидан бири сифатида эътироф этилади. Унинг ташки топган вақти тарихий манбаларда 1610 йил, деб кўрсатилган. Лекин баъзи ёзма битикларда унинг бунёд қилинган даври XVI-XVII асрлар оралиғи деганга ўхшаш маълумотлар ҳам учрайди. Жумладан, муаррих Ибрат “Фарғона тарихи” асарида “Бул Намангонни биносига тўрт юз йигирма етти йил, бул тарихдан ўтмаган бўлса ҳам тезда обод бўлиб, авлиё киром, машойих изомлар бирлан мангу бир шаҳарга айланди”, деб ёзади.

Агар муаллиф бу асарини ўтган асрнинг 20-йиллари охирида ёзиб тугатган бўлса, унда келтирилган ҳисоб бўйича Наманган шаҳри 1500 йилларда барпо қилина бошланган бўлиб чиқади. Тарихчи асарида шаҳар тарихига оид бошқа қизиқарли маълумотларни ҳам келтиради. У бир ўринда

Бухоро ҳукмдори “бир тарафи дарё ва бир тараф тоғ хавоси яхши учун бу ерга бир шаҳар бино қилиб, шаҳар қилмоқ бўлганда ўшал ерни дарё тарафи шўр қўл бўлиб ётган туг экан. Бинобарин, бу ер намак қон деб аталган экан”, дея шаҳар номининг келиб чиқиши ҳақида тўхталса, бошқа ўрин-

да шаҳарнинг ўша пайтда гўртта — Сардоба, Лаббайтоғ, Чукур кўча, Дегрезлик (қозон ясовчилар) маҳаллалари бўлганлиги хусусида фикр билдиради. Бу маълумотлар Наманганнинг географик ўрни ва унинг илк даврдан қадимий шаҳарлиги, машойихлар, уламо-лар шаҳри сифатида шаклланишдан дарак беради. Шаҳарда тўрт-беш аср ичида қўллаб мадрасалар, масжид, хонақолар, бошқа иншоотлар барпо қилинган. Шу ўринда таъкидлаб ўтиш керакки, мамлакатимиз мустақилликка эришганидан кейингина улар Наманганнинг тарихий ёдгорликлари, обидалари сифатида қайтадан қурилади, таъмирланди, асл ҳолига келтирилди.

5

## ИНСОН ҲУҚУҚ ВА МАНФААТЛАРИ ҲИМОЯСИ — ФАОЛИЯТИМИЗ АСОСИ

### ФРАКЦИЯ ЙИГИЛИШИ

Олий Мажлис Қонунчилик палатасидаги Ўзбекистон “Адолат” социал-демократик партияси фракциясининг навбатдаги йиғилиши бўлиб ўтди. Унда партия Сайлов-олди дастурини амалга ошириш юзасидан 2015-2019 йилларга мўжалланган амалий ҳаракатлар Дастурида белгиланган устувор вазифалар ижросини таъминлашда фракциянинг иштироки боғлиқ масалалар кўриб чиқилди.

Фракция аъзолари дастлаб “Адвокатура тўғрисида”ги Ўзбекистон Республикаси қонунининг ижроси ҳақидаги назорат-таҳлил ишларининг ҳолати” ҳақидаги масалани қизғин муҳокама қилдилар.

**Шухрат ПОЛВАНОВ,**  
Олий Мажлис Қонунчи-  
лик палатасидаги Ўзбеки-  
стон “Адолат” СДП  
фракцияси аъзоси:

— Мамлакатимиз суд-хуқук тизимида амалга оширилаётган изчил ислохотлар фуқароларнинг ҳуқуқ ва қонуний манфаатларини ҳар томонлама муҳофаза қилиш, жиноий жазоларни либераллаштириш, суднинг мустақиллиги ва одиллигини таъминлаш, суд жараёнида адвокатуранинг ролини кучайтиришга қаратилган. Хар бир инсоннинг шахсий, ижтимоий, сиёсий ва иқтисодий ҳимоясини, энг аввало, яшаш ҳуқуқи, эркинлиги, шахсий дахлсиз-

лигини таъминлаш, шунингдек, шахсий ҳаётга аралашиб ва асоссиз жиноий иш очилган ҳимоя-ланишнинг барча ташкилий-ҳуқуқий механизмлари яратилган. Бу борадаги савий-ҳаракатларда адвокатура институтини янада кучайтириш ва мустақамлаш, суд ва тергов жараёнида қонунийликни таъминлашга алоҳида эътибор қаратилаётгани диққатга сазовордир.

Мазкур чора-тадбирлар бугунги кунда адвокатуранинг ролини ҳамда адвокатларнинг фуқаролар ҳуқуқларини ҳимоя қилишдаги масъулиятини оширишга хизмат қилмоқда.

2

## ЭЛЕКТРОН ТИЖОРАТ: ҚОНУНЧИЛИК, АМАЛИЁТ ВА ТАҲЛИЛ

### ДЕПУТАТ МИНБАРИ

Инсоният тараққиётининг бугунги босқичида ахборот ва интернет технологиялари иқтисодий юксалишнинг муҳим омили сифатида ҳаётимизнинг барча соҳаларига жадал суръатларда кириб келмоқда. Бу, ўз ўрнида, электрон тижоратнинг ҳам ривож топиб, глобал иқтисодий фаолликнинг асосига айланишига замин яратмоқда.

Таъкидлаш жоизки, электрон тижоратни ривожлантириш мамлакатимизда амалга оширилаётган кенг қўламли иқтисодий ислохотларнинг ажралмас бўлаги ҳисобланади. Шу боисдан электрон тижоратни ривожлантириш ва иқтисодиётни ахборотлаштириш жараёнига мослаштириш борасида қабул қилинган қонунлар, Президент ва ҳукумат қарорлари, яратилган технологик асослар туфайли сўнгги йилларда электрон тижорат бозори шаклланиб, унга хизмат қилувчи механизмлар тизими равишда такомиллашиб бормоқда.

Хусусан, “Ахборотлаштириш тўғрисида”ги, “Электрон тўловлар тўғрисида”ги, “Электрон рақамли имзо тўғрисида”ги қонунлар мазкур йўналишдаги ислохотларни амалга оширишнинг муҳим асоси сифатида хизмат қилмоқда. Электрон тижорат соҳасининг бугунги ривожланиш босқичи давлатимиз

раҳбарининг ташаббуси билан 2015 йилда “Электрон тижорат тўғрисида”ги қонуннинг янги таҳририда қабул қилиниши билан бевосита боғлиқдир. Ушбу қонун электрон тижоратнинг технологик ва телекоммуникацион ривожланишига ижобий таъсир кўрсатиш билан бирга маҳаллий хўжалик субъектларининг самарали фаолияти учун қулай шароит яратиш борасидаги тизимли ишларнинг такомиллашуви олиб келди.

Қонун қабул қилиниши билан электрон тижоратнинг келгусидаги истиқбол билан боғлиқ ҳуқуқий асосларни такомиллаштириш борасида бир қатор амалий тадбирлар амалга оширилди. Хусусан, ҳукумат қарорига асосан ўрта муддатли истиқболда электрон тижоратни ривожлантиришнинг, рақобат муҳитини кенгайтиришнинг, янги инфра-тузилма ўсишининг ва қўшимча иш ўринлари яратишнинг йўллари,

шақлланиши белгилашнинг, шунингдек, электрон тижорат тўғрисидаги қонун ҳужжатларини янада такомиллаштиришнинг асосий йўналишларини белгиловчи концепция қабул қилинди.

Шу маънода янги таҳрирдаги “Электрон тижорат тўғрисида”ги қонуннинг ҳаёта татбиқ этилишини ўрганиш, амалиётда қўллашдаги мавжуд тўсиқларни аниқлаш ва бар-тараф этиш ҳамда соҳага доир қонун ҳужжатларида учраётган бўшлиқларни тўлдирish бугунги куннинг долзарб масалаларидан саналади.

Яқинда Олий Мажлис Қонунчи-лик палатасида бўлиб ўтган “Электрон тижорат соҳасида қонун ҳужжатларини такомиллаштириш масалалари” мавзусидаги семинар айна шу мақсадга қаратилди.

Семинарда электрон тижорат соҳасида давлат ваколатли органи хисобланган Иқтисодиёт вазирлиги, Марказий банк, Ахборот технологиялари ва коммуникацияларини ривожлантириш вазирлиги, Савдо-саноат палатаси масъул ходимлари, электрон тижорат соҳасидаги етакчи хўжалик юритувчи субъектлар раҳбарлари, фуқаролик жамияти институтлари вакиллари, олимлар ва малакали экспертлар иштирок этди.

2

### ПАРЛАМЕНТДА

## МАКТАБДАН ТАШҚАРИ ТАЪЛИМ: СИФАТ ВА САМАРАДОРЛИК

Истиқлол йилларида мамлакатимизда таълим тизимини модернизация қилиш, уни таркибий жиҳатдан қайта қуриш, таълим, фан, техника, технология, иқтисодиёт ва маданиятнинг замонавий ютуқлари асосида таълим дастурларини янгилаб бориш орқали таълим-тарбия жараёнини такомиллаштириш, кадрлар тайёрлаш, қайта тайёрлаш ва уларнинг малакасини ошириш масалаларига давлат сиёсатининг устувор йўналиши сифатида қараб келинмоқда. Бу жараёнда “Таълим тўғрисида”ги қонун ҳамда Кадрлар тайёрлаш миллий дастури иқтисодий-ижтимоий соҳалардаги ислохотларнинг туб моҳиятини белгилаб берди.

Узлуксиз таълим тизимида мактабдан ташқари таълим муассасалари алоҳида ўрин тутди. Таълимнинг ушбу босқичи ўқувчилар ўртасида қобилиятни, иқтидорни ёшларни аниқлаш, шахсни ривожлантиришга қаратилган мусобақаларни, сайёҳлик маршрутларини, техника ва бадий ижодкорлик ҳамда бошқа тадбирларни уюштириш ва ўтказиш, эҳтиёжларни ўрганиш ва шунга мувофиқ болаларнинг қизиқишларига кўра шахснинг ижодий имкониятларини ривожлантиришга қаратилган тўғрақарал очиш, фан асослари бўйича қўшимча таълим бериш каби вазифаларнинг амалга оширилишига хизмат қилди.

3













